

Na osnovu člana 44. statuta Asocijacije učitelja i trenera skijanja u Bosni I Hercegovini skupština Asocijacije učitelja i trenera u Bosni I Hercegovini na sjednici održanoj 20.12.2015.donosi

PRAVILNIK O PONAŠANJU ČLANOVA ATUS-a u BiH

ETIČKI KODEKS

Član 1.

Svi nosioci licence ATUS –a u BiH (učitelji i treneri skijanja u Bosni I Hercegovini) moraju da poštuju 4 osnovna etička principa

1) POŠTOVANJE SVIH UČESNIKA U SPORTU:

- a) Prema svim učesnicima u sportu ponašati se sa poštovanjem
- b) Pažljivo pružati informacije učesnicima s obzirom na njihove potrebe
- c) Uzdržavati se od javnog nipodoštavanja drugih u sportu(npr.izjave, razgovori, šale, medijske izjave itd.)
- d) Poštovati ljude kao autonomne ličnosti i uzdržavati se od neprimjerenog miješanja u lične stvari koje su van nadležnosti ski učitelja.
- e) Tretirati sve učesnike u sportu jednako bez obzira na pol, rasu, porijeklo, religiju, boju kože, političku opredjeljenost, socio-ekonomsko stanje, seksualnu opredjeljenost i ostale faktore.
- f) Ohrabrivati i omogućiti učesnicima da budu odgovorni za svoje ponašanje i postupke.
- g) Pokazivati diskreciju u razmjeni informacija

2) ODGOVORNO PODUČAVANJE:

- a) Odgovornost za postizanje i održavanje visokog nivoa obučavanja učesnika.
- b) Procjena za profesionalno iskustvo, stav, uvjerenja, vrijednosti i njihov uticaj na ponašanje ski učitelja i korištenje znanja za dobrobit drugih
- c) Biti svjestan svog znanja i sposobnosti. Ne preuzimati odgovornosti ako za to niste pripremljeni.
- d) Uzdržavanje od rada u nebezbednim i neadekvatnim uslovima koje utiču na kvalitet usluge, zdravlje i bezbjednost učesnika.
- e) Biti svjestan snage podučavanja u odnosu sa ljudima i stoga izbjegavanje intimnosti sa učenicima
- f) Uzdržavati se i ne tolerisati bilo koji oblik seksualnog uznemiravanja
- g) Prepoznati i prijaviti opasno ponašanje drugih učesnika u sportu(droga, alkohol, fizička i psihička uznemiravanja, zloupotreba moći).

3) INTEGRITET U ODNOSIMA:

- a) Od članova se očekuje da budu pošteni, iskreni i časni u odnosu sa drugima.
- b) Prepoznaju, promovisati i ponašati se u skladu sa vrijednostima koje skijaški sport ima za pojedince i organizacije.
- c) Objaviti konflikt interesa ako do njega dođe i riješiti taj problem na način koji je najbolji za sve
- d) Uzdržati se od promovisanja opreme koju niste lično testirali i uvjerali se da je odgovarajućeg kvaliteta. Podržavanje preduzeća zbog finansijske dobiti umjesto iz uvjerenja je pogrešno i ugrožava integritet cijele organizacije.

- e) Članovi moraju ispunjavati svoje profesionalne finansijske obaveze prema asocijaciji u skladu sa pravilima a na osnovu člana 12. statuta ATUS-a.

4) UNAPREĐENJE SPORTA

- a) Odžavati najviši nivo ličnog ponašanja i projektovati povoljnu sliku o skijaškom sportu i podučavanju
- b) Učitelj je predstavnik ski centra i ambasador skijaškog sporta
- c) Promovisanje i unapređenje saradnje sa ski centrima, ski školama skijaškom javnosti i ostalim grupama koje učestvuju u skijaškom sportu.
- d) Poštovanje pozitivnih napora ostalih učesnika u skijaškom sportu. Uzdržavanje od nipodaštavanja aktivnosti ostalih kolega, javno ili privatno.
- e) Na skijalištu, ako postoje privilegije ne smiju se shvatiti kao pravo, niti smiju biti zloupotrijebljene da donesu neprijatnost bilo kom učitelju, direktoru ili radniku.

Član 2.

U slučajevima gdje je došlo do kršenja člana 17.statuta ATUS-a i osnovnih pravila etičkog kodeksa predviđenih članom 1. ovog pravilnika organi ATUS-a pristupaju sledećoj proceduri:

- Dokumentovanje činjenica u pisanoj formi od strane svih učesnika u spornoj situaciji.
- Svi učesnici moraju da podnesu pisanu žalbu ili zatjev na adresu ATUS-a u BiH
- Skupština ATUS-a će razmatrati žalbe i zahtjeve
- Skupština ima 30 dana da razmotri zahtjeve i žalbe. Razmatranje može podrazumijevati samo pisane izvještaje. Skupština može da vrati žalbu pošiljaocu zbog nedostatka informacija ili dokumenata.
- Odluka Skupštine će biti proslijeđena učitelju odmah po završetku razmatranja
- Kaznene mjere mogu biti od pisane opomene učitelju za ponašanje, do isključenja iz ATUS-a u BIH.
- Kazna će zavisi od prirode i težine prekršaja.
- Pošiljaoc ima pravo na žalbu u roku 15 dana od prijema odluke Skupštine

Član 3.

Ovaj pravilnik stupa na snagu danom donošenja.